

**Children and Young People
Committee**

Y Pwyllgor Plant a Phobl Ifanc



Cynulliad National
Cenedlaethol Assembly for
Cymru Wales

At yr ymgynghoreion ar y rhestr sydd
ynghlwm

Bae Caerdydd
Caerdydd
CF99 1NA

21 Ebrill 2008

Annwyl Gyfaill

Mae Pwyllgor Plant a Phobl Ifanc Cynulliad Cenedlaethol Cymru yn galw am dystiolaeth i'w ymchwiliad byr i Gynllun Gweithredu Rhianta Llywodraeth Cynulliad Cymru.

Cyhoeddwyd y Cynllun Gweithredu Rhianta ym mis Rhagfyr 2005. Bwriad y Cynllun oedd sicrhau bod rhieni (matau, tadau a gofalwyr) yn cael y cyngor a'r gefnogaeth sydd eu hangen arnynt drwy nodi beth y mae Llywodraeth Cynulliad Cymru yn bwriadu ei wneud i gynorthwyo rhieni hyd at fis Mawrth 2008. Gellir cael rhagor o wybodaeth ar Wefan Llywodraeth Cynulliad Cymru yn: [Cynllun Gweithredu Rhianta: Cefnogi mamau, tadau a gofalwyr sy'n magu plant yng Nghymru](#)

Y cylch gorchwyl ar gyfer yr ymchwiliad hwn yw:

1. Craffu ar y broses o gyflwyno'r Cynllun Gweithredu Rhianta (Rhagfyr 2005-Mawrth 2008);
2. Craffu ar yr hyn y mae Llywodraeth Cynulliad Cymru yn ei wneud i barhau â'i gwaith ar rianta, ac i'w ddatblygu, ac i sicrhau bod adnoddau ar gael i wneud hynny;
3. Casglu dystiolaeth o ran yr hyn sy'n gweithio a'r hyn nad yw'n gweithio a hefyd o ran pa gamau y dylid eu cymryd i ddatblygu'r agenda.

Gwahoddiad i gyfrannu at yr ymchwiliad

Gwahoddir i'r rheini sydd â diddordeb gyflwyno dystiolaeth ysgrifenedig i Glerc y Pwyllgor yn y cyfeiriad uchod, i gyrraedd erbyn dydd Gwener 20 Mehefin

2008 fan bellaf. Os yw'n bosibl, dylech ddarparu copi electronig ar ffurf MS Word neu Rich Text Format, naill ai drwy e-bost i equality.comm@wales.gsi.gov.uk neu ar ddisg.

Dechreuwch eich cyflwyniad drwy roi ychydig o wybodaeth am eich sefydliad cyn nodi eich barn a'ch profiad o ran rhai o'r meysydd canlynol.

1. Y broses o gyflwyno'r Cynllun Gweithredu Rhianta

- Pa mor effeithiol oedd y broses o weithredu'r Cynllun Gweithredu Rhianta yn eich barn chi?
- A yw'r cymorth sydd ar gael i rieni wedi cynyddu?
- A yw'r cymorth ar gael i bob rhiant?
- A yw'r rhieni mwyaf anghenus yn cael cymorth?
- A yw rhieni yn cael mwy o wybodaeth, ac a gaiff rhianta cadarnhaol ei hyrwyddo'n effeithiol?
- A yw rhieni'n cyfrannu mwy at gynllunio gwasanaethau ac at waith ysgolion?
- A ydych yn ymwybodol o rwystrau y bu'n rhaid i rieni eu hwynebu wrth geisio defnyddio gwasanaethau cymorth a ffynonellau gwybodaeth? Beth yw'r rhesymau allweddol dros y rhwystrau hyn?
- A allwch chi roi unrhyw enghreifftiau o arferion arloesol wrth sicrhau ei bod yn hawdd cael gafael ar wasanaethau a gwybodaeth, a'i bod yn bosibl goresgyn rhwystrau?

2. Parhau â'r gwaith ar rianta

- Beth yw'r materion allweddol o ran rianta y mae angen i Lywodraeth Cynulliad Cymru fynd i'r afael â hwy o hyd yn eich barn chi?

3. Beth sydd wedi gweithio, a beth nad yw wedi gweithio?

- A ydych yn ymwybodol o unrhyw enghreifftiau o arfer da o ran cynorthwyo rhieni? A yw'n bosibl i chi eu nodi, ac egluro pam y mae'r enghreifftiau hyn wedi llwyddo?
- A yw'n bosibl i chi nodi unrhyw feysydd o fewn y Cynllun Gweithredu Rhianta a gyflwynwyd yn llwyddiannus, ac unrhyw rai na lwyddodd yn eich barn chi? Pam y llwyddwyd yn y meysydd hyn a pham na lwyddwyd?

Mae'r pwyllgor wedi gwahodd cyflwyniadau gan y rhai a enwir ar y rhestr ddosbarthu amgaeedig. Fodd bynnag, **byddwn yn ddiolchgar pe gallech anfon copi o'r llythyr at unrhyw unigolion neu sefydliadau nad ydynt wedi eu cynnwys ac a allai fod diddordeb ganddynt mewn cyfrannu at yr adolygiad.** Mae copi o'r llythyr hwn wedi'i roi ar wefan y Cynulliad Cenedlaethol gyda gwahoddiad agored i gyflwyno barn.

Datgelu Gwybodaeth

Dylai tystion fod yn ymwybodol y caiff tystiolaeth ysgrifenedig a gyflwynir i'r pwyllgor ei thrin fel eiddo'r pwyllgor cyn gynted ag y caiff ei chyflwyno iddo. Bwriad y pwyllgor yw rhoi papurau ysgrifenedig ar ei wefan, ac mae'n bosibl y cânt eu hargraffu gyda'r adroddiad yn dilyn hyn. Ni fydd y Cynulliad Cenedlaethol yn cyhoeddi gwybodaeth y mae'n ei hystyried yn ddata personol.

Os cyflwynir cais am wybodaeth o dan ddeddfwriaeth y DU, mae'n bosibl y bydd angen datgelu'r wybodaeth y byddwch yn ei rhoi. Gall hyn gynnwys gwybodaeth a ddilëwyd yn flaenorol gan y Cynulliad Cenedlaethol er mwyn ei chyhoeddi.

Os ydych yn darparu unrhyw wybodaeth, ar wahân i ddata personol nad yw'n addas i'w datgelu'n gyhoeddus yn eich barn chi, dylech nodi pa rannau na ddylid eu cyhoeddi a chyflwyno dadl resymol dros hynny. Bydd y Cynulliad Cenedlaethol yn ystyried hyn wrth gyhoeddi gwybodaeth neu wrth ymateb i geisiadau am wybodaeth.

Gellir cael rhagor o wybodaeth am y pwyllgor a'i ymchwiliad yn:

<http://www.cynulliadcymru.org/bus-home/bus-committees/bus-committees-third-assem/bus-committees-third-cyp-home.htm>

Yn gywir,



Helen Mary Jones
Cadeirydd y Pwyllgor Plant a Phobl Ifanc

**Y Pwyllgor Plant a Phobl Ifanc
Ymchwiliad i Gynllun Gweithredu Rhianta**

Ymgynghoreion

Comisiynydd Plant Cymru

Cyfarwyddwyr Addysg

Cyfarwyddwyr Addysg Esgobaethol

Cyfarwyddwyr Gwasanaethau Cymdeithasol

Cyngor Defnyddwyr Cymru

Cymdeithas Cyfarwyddwyr Gwasanaethau Cymdeithasol

Cymdeithas Llywodraeth Leol Cymru

Cymdeithas y Cyfarwyddwyr Addysg

Cyrff Gwirfoddol, gan gynnwys

Achub y Plant Cymru

Age Concern Cymru

Antenatal Results and Choice (ARC)

Barnardos Cymru

Canolfan Therapi Plant Bobath

Community Support for Autism in Wales

Cymdeithas Cylchoedd Chwarae Cyn-ysgol Cymru

Cymdeithas Ffermwyr Ifanc Cymru

Cymdeithas Genedlaethol Gwarchod Plant (Cymru)

Cymdeithas Ieuencid a Phlant Sir Gaerfyrddin (CYCA)

Cymorth i Fenywod

Cyngor ar Bopeth Cymru

Cynhalwyr Cymru

Cyswllt Ieuencid Cymru

Cyswllt Teulu

Chwarae Cymru

Fathers Direct

Ffederasiwn Cenedlaethol Sefydliadau'r Merched

Fforwm Rheini a Gofalwyr Cymru Gyfan

Help the Aged

Home-start

Mencap Cymru
Merched y Wawr
Mudiad Ysgolion Meithrin
NAS Cymru
NCH Cymru
NSPCC Cymru
One Parent Families/Gingerbread Cymru
Parentline Plus
Plant yng Nghymru
Prosiect Ieuenctid Sgeti
Rhwydwaith Maethu Cymru
Shelter Cymru
SNAP Cymru
The Grandparents Association
Tiny Tickers
Voices from Care (Cymru)
Ymddiriedolaeth Cartref Bontnewydd
Ymddiriedolaeth Genedlaethol Geni Plant
Ymddiriedolaeth Gofal Dydd
Cyrff Llywodraethu Ysgolion
Partneriaethau Plant a Phobl Ifanc
Penaethiaid Gwasanaethau Plant
Prif Weithredwyr Awdurdodau Lleol
Prif Weithredwyr Byrddau Iechyd Lleol
Prif Weithredwyr Ymddiriedolaethau GIG
Swyddogion Hawliau Plant
Teuluoedd Un Rhiant / Gingerbread
Undebau'r Athrawon
Undeb y Mamau yng Nghymru
Y Ddraig Ffyni